

Efeso

Yaizéé ac.

¹ Anutuac ewa sinjiguc Kristo Yesuac Méliméli ic wawaŋa ni Paulonéŋ Efeso ama areŋa yandaiguc kecanzu ic embac téréya ini zéma Kristo Yesuac qeriaiguc ic héla wamma ninzénégéma kecanzu onac muru kiwi yomi oénécmizua. ² Anutu Maŋgocnina zéma Miŋ Kewunina Yesu Kristo iorac murunec ewa hia zéma luaenéŋ onac muru hemac.

Qeri uŋawac mozocya.

³ Mepé qepési wammini! Miŋ Kewunina Yesu Kristoac Maŋgocya Anutunéŋ Kristoac qeriaiguc qeri uŋawac mozoc kurumeŋ igucnec hahaya hénia hénia mozocgé nénécmiyec. ⁴ Waŋu eŋeya kiwaiguc zéma eŋeya ala sinjiguc, neŋaŋ téréyanec zéma solaŋanec kecbiŋ niŋac, baec kurumeŋ ménda zéyu hicŋiyecnec, Kristoac qeriaiguc gési nénécmiyec. ⁵ Gési nénécmima ewa hia nimma eŋeya ewa sinjiguc becaru niŋareŋgéyu heyec séc, Yesu Kristonéŋnec neŋaŋ eŋeya nambérac héra buŋa qenénécmiyec. ⁶ Imi mia siŋa nimmianzac Yesu iwac qeriaiguc, iwac ewa hia edamuyaguc imi neŋaŋ muru boŋtegiac eŋ nénécmiyec imi mepésimiwiŋ niŋac, imuhuc waŋ nénécmiyec. ⁷ Kristo iwac qeriaiguc mia, ewa hiaya kuaya qeqeya imuac séhaiguc, sacyanéŋ boŋ héré menénécmima késpedesicnina wai nénécmiyec. ⁸ Imi mia inéŋ niŋtegiac qinŋtegiac zéma niŋ asac asaria

moczonhec neňaň muru mesécgé nénécmiyec. ⁹ Imuhuc wamma ewa siňa sasaňgia, eňeya ewa qeriaiguc niňarenǵéyu heyec imuac séciguc, ewa hiawac zéau nénécmiyu qerininanéň ninziň. ¹⁰ Imi mia nalé niňec imi ducňiyu, iwawai kurumeniguc kekera zéma iwawai baeciguc kekera imi moczon Kristoac qeriaiguc arenhéra tuň momacguc wammac niňac imuhuc waň nénécmiyec. ¹¹ Iwawai moczon ewa siňa hezac séc waňanzac Anutu iwac ewa siň méndacma bec zétecgéyu heyec séciguc Kristoac qeriaiguc gési nénécmiyu iwac mératécac buňa wamma kecancziň. ¹² Imi mia Kristoac qeriaiguc walac walac mambéc kerinac kecancziň neneň imi kecma tetecgiaiguc iwac edamuyawac mepé qepési héra wambin niňac imuhuc waň nénécmiyec. ¹³ Ini acguc iwac qeriaiguc ac héla, késpedes igucnec aňgéh titiac buňa suruc hiabia imi nimma ninzénǵégic sisipac acwac Uňa téréyanéňnec eňeya buňawac asé kiwi meénécmiyec. ¹⁴ Waňu Uňa Téréya iminéň mia kurumenac mératécnina imuac sisipac acwac asé kiwiya wanzac. Waňu ic embac elinǵé nénécmimia imi boň hérénina menénécmiyu eňeya edamuya mepésimiwiň niňac imuhuc waň nénécmiyec.

Pauloac zéwelec ac.

¹⁵ Hénia imuac niňac ini Min Kewunina Yesuac qeriaiguc ninzén ninzénǵina késakeczu imuac suruc zéma ala siňgina ic embac téréya ionac waň énécmianzu imuac suruc imi ni acguc zégic nindari. ¹⁶ Imuac mia onac niň wamma ménda misimanec ewa hia ac ézéma zéwelecanzua séc

onac qacgina imi zéhicji mianzua. ¹⁷ Miñnina Yesu Kristoac Anutu, mañgocnina edamuyaguc inéñ mia ninjegic qinjegic zéma ackuazéc zéauauya imuac qeri uña imi énécmiyu Anutuac hénia séha nintegicmu niñac zéwelec wananzua. ¹⁸ Wañu ewa qeriginawac kiwa measari énécmiyu hénia némac niñac unuruyu mambéc keczu imi zéma ic embac téréya sugcinaiguc mératéc edamuyaguc dimuhucya kuaya qeqeya késa keczu imi niñyacgému. ¹⁹ Wañu iwac kuc yandaya ogicqogira ninzén ninzén ic neñañ muru ai meanzac iminén kukuc duruc durucya eñeña wanzac imi ninjegicmu niñac zéwelecanzua. ²⁰ Wañu Anutuac kuc yanda iminén Yesu humuc igucnec meqeliyec. Meqelima wagicma kurumenjiguc emma eñeña méra héyaiguc oporec. ²¹ Opocma qara imi meyaru ic kewuya kewuya zéma qac buña zéma kuc buña zéma galeñ buña zéma qacgina hénia hénia baec yomuac naléiguc hezac imi sac qahac, néñ ama baec hahaya hémbéñañaguc hezac imi moczoñ onogicdarec. ²² Wañu iwawai moczoñ imi hénia duandiaiguc haiyec. Haima Yesu imi iwawai moczoñ onogicma héniaoriñ neñañ orucnina wammac niñac oporec. ²³ Wañu héniaoriñ neñañ imi iwac hénia méria* wamma kecziñ. Wañu héniaoriñ imi mia iwawai moczoñ imuac qeriaiguc iwawai moczoñ sécgé énécmianzac iwac howiacnec wanziñ.

* **1:23:** Girik aciguc; Soma, neñañ neñañ aciguc séwiya.

2

Humuc igucnec kekeciguc.

¹ Waŋu ini wawaŋ meme biria zéma kápésicgina imuac qeriaiguc humugic meqeli énécmiyec. ² Becnec imi ini haka biria imuhucyawac qeriaiguc tacyac wamma baec yomuac haka silic zéma Biria miŋina kurumeŋ bawa sawawac galeŋ memeac kuha késa keczac imi méndacma kecaŋgic. Waŋu deguc ac qeŋe ic ionac suginaiguc ai meanzac uŋa biria iminéŋ mia Biria miŋina wanzac. ³ Becnec imi neŋaŋ imuhucyanec suginaiguc kecma séwininawac siŋ tohoma kecma séwinina zéma ewaninawac siŋanéŋ waŋ nénécmiyec séc waŋiŋ. Imuac ic tosara iniguc hénianina momacguc waŋu qeri biriawac buŋawac nambérac héra kerij. ⁴ Anutu wésé niniŋ kuneŋ yanda hemiyu neŋaŋ ala siŋ waŋ nénécmima ala siŋ yanda imuac niŋac wamma ⁵ kápésic nina niŋac humuyiŋ neŋaŋ imi Kristo Yesuac qeriaiguc meqeli nénécmiyec. (Ini imi ewa hiaya niŋac aŋgérŋina tinénécmiyec.) ⁶ Neŋaŋ Yesuguc momacnec meqeli nénécmima Kristo Yesuac qeriaiguc kurumeŋac kekeciguc i guc momacnec tacbiŋ niŋac nonoporec. ⁷ Imi mia Kristo Yesuac qeriaiguc wésé niniŋ waŋ nénécmima iwac ewa hiaya ogicqogira imi baec yomuac naléya hama emmac séc nénézéyu hémbiŋ niŋac imuhuc waŋ nénécmiyec. ⁸ Ini imi ninzénégéic ewa hiaya niŋac aŋgérŋina tiénécmiyec. Imuac niŋac imi mia onac murunec qahac, néŋ sese Anutuac murunec hahaya wanzac. ⁹ Imi mia wawaŋ memenina igucnec

qahac, imuac ic embac mérnéh méné séwi enen hia ménda wammac. ¹⁰ Neñan imi Kristo Yesuac qeriaiguc ai solañ mewin niñac Anutunéh menénécmiyec. Wañu ai imuhuc geñec tima kembiñ niñac Anutunéh becnec niñu heyec.

Kristoac qeriaiguc ewa momac wamma kecbiñ.

¹¹ Imuac niñac ini yomuhuc niñqelimu; Becnec ini séwi tasé herichericgina qahac ic enia kecañgic. Imuac niñac ic embac méraginanéh séwi taségina hericma séwi tasé hericheric ginaguc zéénéc mimiawac kecañgic ienen onac niñ séwi tasé herichericgina qahac zéénéc mianñgic. ¹² Nalé imuaru ini imi Kristo qahac séñgañgeñ kecañgic. Kecma Israelac héngalen ama areña yanda imuacnec elicgé énécmimia wamma eñacnec kecañgic. Wañu zikiziki acwac sisipac ac imuac mia ic embac méréra tanec kecma niñkinzéggina qahac Anutugina qahac baeciguc kecañgic. ¹³ Wañu deguc imi becnec lakec kecañgic ini Yesuac qeriaiguc Kristoac sacya niñac Anutuac muru hosuru énépésima onoporu kecañzu.

¹⁴ Kristo imi luaenina. Inéh sucninaiguc demin elic elicgia nañec imi iwac séwiya aunénéc mima hézégéyu mayu tuñ éréhécnéh momacguc wañec. ¹⁵ Wañu tuñ éréhéc imi eñeya qeriaiguc séwi momacguc qeliawac wamma luaeiguc kecmu niñac eñeya séwiya wai nénécmima zézé seli ac zéma pakenñ ac zéma hénac ac hénia hénia imuhucya imi néhélima hazéc wamma kekec imi audarec. ¹⁶ Wañu ic héñgeña wéndara iminéh nec tuñ éréhéc imi séwi momacguc wamma Anutuguc ewa momac wammu niñac imuac qahaiguc hazéc

niniŋ imi qeyu humuyec. ¹⁷ Waŋu mama hama lakec kecaŋgic ionac zéma hosuru kecaŋiŋ Yuda ic nonac momacnec luaeac buŋa neŋaŋ muru zéau nénécmiyec. ¹⁸ Imi mia iwac qeriaiguc ini zéma nini neŋawu Uŋa téréyawac qeriaiguc Maŋgocac muru kerembiŋ niŋac imuhuc waŋ nénécmiyec. ¹⁹ Imuac deguc muarunec, ini imi ic méréra me ic kian qahac, néŋ ic embac météré énécmimia i iniguc séc momac wamma Anutuac arenhéra zéma héngaleŋ ama arena yanda imuac buŋahéra wamma keczu. ²⁰ Ini imi Yesuac Méliméli ic zéma Anutuac tiliŋ tiliŋ ic ionac qambaŋa imuac qahaiguc kumu énécmimia. Kristo Yesu eŋeyaoc imi ama imuac waŋgoŋaiguc hoc qambaŋa waŋecac keczac. ²¹ Iwac qahaiguc sécna sécga momacnec toroqema enni ama imi moczoŋ Miŋ Kewuninawac qeriaiguc ocmuŋ téréya wamma yandima eŋanzac. ²² Ini acguc Uŋa téréyawac qeriaiguc ocmuŋ téréya Anutunéŋ tacyac wawaŋa wammac niŋ Yesuac qeriaiguc momacnec toroqe énécmiyu eŋanzac.

3

Paulonéŋ ic enia ionac niŋac wamma ai meyec.

¹ Waŋu Paulo ni ac zéma mazua hénia imuac niŋac ic enia onac niŋac wamma Kristo Yesuac hésa ic wamma kecaŋzua. ² Waŋu ama imuac welen qeŋe ai imi Anutunéŋ onac niŋ wamma goi héhéiyawac niŋac wamma nuac néŋec imi ini hélacnec bec niŋgic gezaŋ. ³ Waŋu usuya auma ac saŋa imi nézéyu niŋasariyi suruc imuac imi bec zékaŋ zékaŋ wamma

oénécmiyi. ⁴ Ini kiwi imi olommuiguc Kristoac hénia saña niñtegi imi ini acguc niñtegi cmu. ⁵ Ac saña imi deguc Yesuac méliméli ic téréya zéma Anutuac tiliñ tiliñ ic ionac muru Uña téréyanéñ zéhicñi énécmiyec éséc nec becaru imi hicñisai nalé tosaraiguc imi ic onac nañhéra ménac mén imuhuc ménda zéhicñi énécmiyu niñgic. ⁶ Imi mia ic enia eneñ buña suruc hiabia imuaru toroqema Kristo Yesuac qeriaiguc sisipac acya imi momac nec mératéc mema neñawu momac nec séwi momacguc wamma kecziñ. ⁷ Wañu Anutuac goi héihéia niñac ai memeac sese mihicñi néñu, imuac kuhanéñ nuaru ai meanzac séciguc buña suruc hiabia imuac ai icya wamma keczua. ⁸ Buña suruc hiabia, Kristoac mériañ yanda oloñ oloñawac séc qahac imi ic enia énézemañ niñac ic embac téréya ionac suginaiguc maqeqeya téngéñ tosara onogicma mamaya kecanzua nidac imuhucyawac goi héihéiyawac buña qenéñec. ⁹ Imi mia iwawai moczoñ zéhicñiyec Anutu iwac qeriaiguc nalé hénihénia qahac imuarunec musañ musañgiawac niñu heyec ai areña imuac héla imi dimuhucya wanzac imi zéasari énécmimañ niñac imuhuc wannéñec. ¹⁰⁻¹¹ Imi mia nalé hénihénia qahac imuarunec Anutunéñ Miñ Kewunina Kristo Yesuac qeriaiguc niñareñgéyu heyec imi méndacma degucmi Yesuac hénarioñ héra neñaoc nec Anutuac niñtegi qñtegi hénia hénia imi mewininini kurumeñiguc kua meme uña qac buñaginaguc zéma kuc buñaginaguc ieneñ hénia imi héñtegi cmu niñac imuhuc wañec.

12 Neñañ imi Yesuac qeriaiguc i ninzéngeña imuacnec mia bac yandi yandi qahac Anutu hosucgé mimiawac héna mihicñima kecziñ. 13 Imuac zéwelec énécmizua. Onac niñ wamma qenzen manzen hénia hénia mihicñima kecanzua imuac mia ewagina ménda mamac, néñ niñgic edamuginaguc wammac.

Kiwi yomi olommu ionac niñac wamma zéwelerec.

14 (14a) Hénia imuac niñac 15 baec kurumeniguc ic embac hénia hénia keczu ionac qacgina mihicñi énécmiyec.* (14b) Manjocnina iwac muru ni simiñna héimima yomuhuc zéwelec mizua; 16 Inéñ wañu, iwac edamuya kuaya qeqeya séciguc Uña téreyanéñ onac qeri icgina imi kuhanéñ meseli énécmimac. 17 Meseliyu ninzéngeñgic Kristonéñ onac ewa qeriginaiguc kecénécmiyu eneñ imi goi héihéi imuac qeriaiguc gété zaligina meyu nammu. 18 Namma seligima météré énécmimia moczoñ yanda iniguc momacnec Kristoac goi héihéiya imuac hilañaya zéma horuaya zéma hiñgac hiñaraya zéma eñeñaya imi séha niñtegicmu. 19 Wañu Kristoac siñ sorocya imi baec ic ionac niníñ ninanéñ olommuac séc qahac, wañu ini imi niñasarimu niñac zéwelecanczua. Niñasarigic Anutuaru qeriawac mériañ kuaya qeqeya hezac iminéñ onac muru kuaya qe-salecgéna hemac zéma zéwelecanczua.

20 Kuha yandanéñ neñañ muru ai meanzac imuac séciguc, iwawai hénia hénia welec mianziñ

* **3:15:** Ac yomuac hénia imi; Inéñ momac yanda neñañ Manjocnina.

me niñanzij imi ogicma emma wandac wandac medac medac miñina ²¹ Anutu iwac muru mia Kristo Yesu zéma iwac hénaorij héra ionac sugginaiguc edamuyanéñ hicñisaiya hicñisaiya hema emma hemac, hélacnec!

4

Kristoac séwi tasia wamma momacnec ai mewij.

¹ Imuac mia Miñ Kewuninawac wamma hésa ic kekera neñ meme seli ac yomuhuc énézézua; Anutunéñ unuruyu ini iwac buña kecanzu imuac hakagina imi imuac séha wamma kecmu. ² Ewa qerigina memaamuma qeri bénzéniguc zérabéraiguc nalé horuacnec nañselima goi héihéiac qeriaiguc bisiqatén wañamumu. ³ Imuhuc wamma Uña téréyanéñ luaeac hésanéñ dérécgé énécmiyu momacguc wañgic imi mia seliseli wamma qambañtohoya memu. ⁴ Séwiya imi momacguc, Uña téréya imi acguc momacguc, wañu ini imi héihéré énécmimac niñac momacnec niñkinzénégéma kecgic unuruyec. ⁵ Miñ Kewunina imi momacguc, wañu ninzén ninzén imi acguc momacguc, wañu doku naec imi acguc momacguc, ⁶ Wañu Anutu acguc momacguc, wañu inéñ mia kekec momac yanda imuac mañgoc keczac. Wañu kekec momac yanda iminéñ méra bawu kecgic momacguc wammu niñac dérécgé énécmima ñuñu imuac sugginaiguc kecanzac.

⁷ Wañu icya icya Kristoac sese séha séc méndacma goinina héima nénécmiyec. ⁸ Imuac

mia ac kiwi ménj yomuhuc ooyawac hezac; Inénj ou eñec nalé imuaru hésá ic sasala dérécgé énécmima onagicma eñec. Emma ic embachéra ionac muru sese énécmiyec.*

⁹ Ou eñec zéyec imuac hénia imi walac baeciguc emu hingarec imi mia, néj hénia ménj ménda hezac. ¹⁰ Hingarec inénj mia kurumeña kurumeña onogicma eñec i eñeyaoc wanzac. Inénj iwawai momac yanda imi sécgé énécmimanj zé imuhuc wanec. ¹¹ Wanju inénj mia tosara Yesuac Méliméli ic, tosara kua meme ic, tosara buña suruc hiabia zéauau ic, tosara pasto, tosara kiwi ic wammu zéma onoporec. ¹² Imi mia ic embachéra téréya mesolanjaní énécmima welenj qeqe ai megic toroqe amuma Kristoac séwi ésécnec yacmac niñac imuhuc ai buña qeénécmiyec. ¹³ Neñanj imi Anutuac nanja ninzénjgéma hénia niñasariwiñ. Imuhuc wanní ninzénj ninzénjnina zéma niñ asac asarinina iminénj toroqe nénécmiyu séwi momacguc wamma ic yandi tetecgia wambiñ. Imuhuc wamma Kristoac yandi yandiac séc érérenjiguc yandiwiñ. ¹⁴ Imuhuc wamma neñanj imi deguc muacnec nambérac tanec ménda kecbiñ. Ic diwi qiwiliñanéj ac halécnénj ala batuc wanj énécmigic ninzénj ninzénjac ac areñareñgia hénia hénia imuac temboñ temboñanéj qekenj qeha wanj énécmiwac niñac. ¹⁵ Néj goi héihéiya qeriaiguc ac hélawac zéma wawanj memenina séc orucnina Kristo iwac kekecac séciguc yandi-

* **4:8:** Nalé imuaru kawaligina yaréiguc onogicma lilingéma hama iwawai onagicgic imi ic embachégina gili énécmianjgic. Yesu imi neñanj kawalinina wanzac imuac haka imuaru ac héima zézac.

wiñ. ¹⁶ Iwarunec séwi tasia imi moczoñ toroya toroya toroqe mimia wañu iwawai hiabia séc qema énécmiyu qéhéréngé amuma séwi tasiawac kuha séc ai mema séwi imi meyandima goi héihéi imuac qeriaiguc miyacgé amuanzac.

Kekec wahala zéma kekec qelia.

¹⁷ Imuac niñac ni séwiac hénia imi zéma Miñ Kewunawac qeriaiguc ninzén ninzénna zéau énécmizua; Deguc muacnec imi ic enia eney ewa qeriginanéñ iwawai héla qahac imuac wamma kecanzu ésécnec imuhuc ménda wamma kecmu.

¹⁸ Ieneñ imi niñasac asari ginanéñ siñidéngéyu niniñgina qahac imuac suraiguc ewa qeriginanéñ seligiyu Anutuac kekec igucnec waima keñgic. ¹⁹ Ieneñ niñtegic qinñtegicgina qahac tanec wamma séwiac siñiguc opocamuma haka biria hénia héniaiwac hémbaoc wamma wañanzu. ²⁰ Ini imi Kristoac hénia imuhuc méñ ménda kuamugic.

²¹ Ac héla imi Yesuac qeriaiguc hezac éséc ini hélacnec iwac murunec ku énécmiyu niñgiciguc imi ²² ini ala batucac féngéc ic méndacma houma keñanzac ic wahala imuac haka imi séwi usugina ésécnec hetecgému. ²³ Ewa qeriginawac uñña imi meqeli énécmimia wañu ²⁴ Solañ dindiña zéma ac hélanéñ météré énécmiyu Anutuac tanec ic qelia maleku ésécnec héiamuma kecmu.

Kekecac hénia ac.

²⁵ Wañu neñañ momacnec Yesuac séwi tasia wamma kecziñ imuac niñac ini ikoc waima ama momac ic iniguc eñacnec ac hélacnec zému. ²⁶ Ini qeri biric nimmuiguc kápésic ménda wammu. Wañu kaiwe kiwa hiñgacmac imuac

séc qeri biric ménda késama kecmu. ²⁷ Biria miñinawac titiña ménj ménda waimigic érémac. ²⁸ Kowu nenenéj muñguc kowu ménda nemac, néj néwéciguc mageqeya méra mimacac séc iwawai mihicñimañ zé eñeya mérianéj ai mema haka hiabia wammac. ²⁹ Ac biria imi kuagina igucnec ménda waigic mamac, néj ac hiabia ic tosara meyac énécmimacac sécyá zéma acgina ninzu imi onac goi héihéi mihicñi énécmimu. ³⁰ Ini imi Uña téréyawac qeriaiguc asé kiwi menénécmiyu añgéñ titiac nalé ducñimac imuac séc iwac buña kecmu, imuac niñac Ini Anutuac Uña Téréya ewa biri ménda mihicñi mimu. ³¹ Ini qeri howuc zéma qeri biric zéma yonkanzañ zéma wauñ silac zéma zébiri qébiri haka silic imuhucya imi eñañ muru augic qahac wandacmac. ³² Eñaocnec goi héihéi wañamuma wésé ninij wañamuma Anutunéj Yesuac qeriaiguc késpedesgina wai énécmiyec éséc késpedesgina waia-mumu.

5

¹ Imuac goi héihéi wañ énécmiyu kecanzu nambérac imuhucya ésécnec Anutuguc kéréndéñ wamma kecmu. ² Ini imi Kristonéj goi héihéi wañ énécmiyec séciguc eñaocnec iwawai ménj wamma mewij zé goi héihéiyawac qeriaiguc wammu. Kristo inéj neñañ niñac wamma eñeya keke-cya waima mulu manañ héméña hiabia ésécnec Anutu héimiyec. ³ Ini imi suginaiguc kaisero zéma haka biria hénia hénia zéma hémbaoc haka imuhucya imuac qara acguc ménj ménda zéhicñimu. Iminéj ic embac météré énécmimia

ionac hakagina séha wanzac. ⁴⁻⁵ Kaisero zéma ic qerigina zapi qeqeya zéma hémbaoc (banjarawac mepé qepési ai) wammu imi enej moczon yanda Kristo zéma Anutuac ama yandaiguc mératéc ménj ménda memu. Imi ini niñyacgéma nindaczu imuac niñac ac zapi qeqeya zéma zézorañ ac zéma lisi ac imi ménda zému, néj nówéciguc ewa hia ac ézému.

⁶ Ménjac ménj ménda wai énécmigic ac gorosona énézéma ikoc wañ énécmiwu niñac. Haka imuhucyawac niñac Anutuac qeri gericnéj ac qeqe haka imuac nambérac héra ionac muru maanzac. ⁷ Imuac mia ic imuhucya iniguc késayu késa ménda wammu. ⁸ Ini becnec imi sinji tunumañac buña kecgic, néj deguc imi Miñ Kewuninawac qeriaiguc asac mararañac buña keczu. Imuac asac mararañac nambérac imuac séciguc kecmu. ⁹ Asac mararañac héla gocmia imi mia haka hiabia, haka solaña zéma haka héla. ¹⁰ Némacnéj Miñ Kewunina ségiségi mihicñi mianzac imi batucgé hémma, ¹¹ ini imi sinji panamañac ai iwawai héla qahac imuac ménda toroqemu, néj énézégic haka biria héntegicmu. ¹² Ienej sasañgiaguc wañanzu imi kuananéj zémañ zéwa gamu mamasuñaguc wañu réwérizua. (14a) Hémbiñac séc imi moczon asac mararañaguc, ¹³ hénia imuac niñac, iwawai moczon asac mararañ néj qetagaliyu wininianzac imi kicninanéj hémbiñac séc wañanzac. ¹⁴ (14b) Imuac ac ménj yomuhuc ooyawac hezac; Gaugina hekeczu ini yacgic! ini humuc ic ionac suggina igucnec yacgic! Kristonéj

qetagalima asari énécmimac.

¹⁵ Imuac ini hakagina dimuhuc wamma kecmu imi niñtegicmu. Imuhuc wamma ic embac niñtegic qñtegicgina qahac éséc nec qahac, néñ niñtegic qñtegic ginaguc wamma kecmu. ¹⁶ Nalé imi biria yéwériyaguc, imuac niñac ini nalé imi qaurac ménda qemu. ¹⁷ Imuac bec ini ewa soho ic ménda wammu, néñ Miñ Kewuninawac ewa siñ imi dimuhuc hezac imi nitegicma kecmu. ¹⁸ Waiñ doku seliaguc ewa soho ménda wammu. Imi mia kekec soho sohoya. Néñ Uña téréyanéñ sécgé énécmiyu kecmu. ¹⁹ Mepé qepési legic, zéma ewa hiawac legic, zéma legic téréya eñañ héiamuma ewa qeriginanéñ Miñ Kewuninawac muru legic héimima mepésimimu. ²⁰ Haka hénia hénia hicñi énécmianzac séc Miñ Kewunina Kristo Yesuac qaraiguc nalé séc Anutu mañgocnina ewa hia ac ézému.

²¹ Wañu Kristo ee héihéi wammima eñac nec méra bacginu kecamumu. ²²⁻²³ Kristonéñ hénacoriñ ionac orucgina wamma eñeya séwi wamma keczu ionac añgéñ titi ic wanzac éséc nec, embac méñac euyanéñ iniña iwac oruha wanzac, imuac niñac embac ini euhécgina ionac méra bacginu kecmu. ²⁴ Néñ hénacoriñ eneñ Kristoac wammianzu éséc nec embac ini imuhucyanec euhécgina tohotoho wañ énécmima kecmu. ²⁵ Ic ini acguc iniñhécgina ionac goigina héié nécmima Kristonéñ hénacoriñ ionac goigina héi énécmima ionac niñac wamma eñeya kekecya wai énécmiyec imuac séciguc wañ énécmimu.

²⁶ Imi mia dokunéh naec énécmima ackuazécnéh zuac énécmima météré énécmiyec. ²⁷ Imuhuc wañ énécmima eñeya kiwaiguc hénaorih téréya kumu énécmima métac métac me kirc misicya qahac téréyanec solañanec wammu niñac imuhuc wañ nénécmiyec. ²⁸⁻³⁰ (30) Neñañ imi Kristoac séwi tasia kecziñ imuac niñac, ⁽²⁹⁾ Kristonéh hénaorih héra galengé nénécmianzac. Ic méñnéñ méñ eñeya séwiya niñac mézé titi ménda wañamuma nalé séc nene gumu amuma kecanzac. ⁽²⁸⁾ Imuac ic ini imuhucyanec eñañ inihécgina imi eñañ séwigina ésécnec goigina héi énécmimu. Ic méñnéñ méñ iniña goiya héimianzac inéh imi eñeya séwiya goiya héiamuanzac tacnec wanzac. ³¹ Hénia imuac niñac ic méñnéñ neñgoc mañgocya wai érécmima kemma eñeya inihaguc toroqema séwi éréhécnéh séwi momacguc wammaoc imuhuc zéyu ooyawac hezac. ³² Wañu imuac hénia saña imi qeu hiñgac hiñgara. Ni imi Kristo zéma Anutuac hénaorih ionac niñac momacnec imuhuc zézua. ³³ Wañu ini imuhucyanec eñac eñac eñañ inihécgina imi eñañ ésécnec goigina héi énécmimu. Wañu embac ini acguc euhécgina onac eegina héi énécmimu.

6

Nambérac zéma neñgoc mañgoc.

¹ Nambérac ini Miñ Kewuninawac qeriaiguc neñgoc mañgoc hécgina niñtoho wañ énécmimu. Haka iminéñ haka dindiña wanzac. ² Geñga neñgoc mañgocga eegira héi érécmiwésémañ iminéñ mia hénac ac walac walac zikiziki acyaguc

wanzac. ³ Imuhuc wambésémañiguc gi imi baeciguc nalé horua kekecgaguc kecbésémañ. ⁴ Mañgoc ini nambérac hécgina qeri geric ménda mihicñi énécmimu, néñ Miñ Kewuninawac pakenñ ac zéma zézé seli acnéñ qegumu énécmimu.

Welen qeqe ic zéma ionac miñ mañgocgina.

⁵ Welen qeqe ini imi bac yandi yandi wamma zénéngina hiriyu ewa qerigina hélanéñ séwiginawac miñ kewu hécgina imi Kristoac muru wammianzu éséc nec welen qeénécmimu. ⁶ Ionac kicginaiguc baec ic ionac ewa qerigina mehiaru énécmianzu éséc qahac, néñ Kirisistoac welen qeqe ic éséc nec ewa qeriginanéñ Anutuac ewa siñ niñtoho wamma ⁷ siña nimma welen qeénécmima ic ionac wañanzu éséc nec qahac, néñ Miñ Kewuninawac wammianzu éséc nec welen qeénécmimu. ⁸ Imi mia icya icya haka hiabia méñac méñ wammuiguc welen qeqe me miñ mañgoc kekera séc ai imi Miñ Kewuninanéñ nénécmiyu meanziñ imuhuc zéma nimma imuhuc wañ énécmimu. ⁹ Imuac Galéñ ini acguc welen qeqe hécgina imuhucyanec wañ énécmimu, néñ ménda tericgé énécmimu. Némac niñ ionac zéma onac Miñ Kewugina imi ou kurumenñiguc kecanzac. Wañu iwac muru imi séwiac hémma niñgésigési méñ ménda hezac imuac mia imuhuc wammu.

Anutuac yaréac maleku selia.

¹⁰ Tetecgiaiguc yomuhuc zéwa niñgic; Ini imi Miñ Kewuninawac qeriaiguc zéma iwac kuc buñawac kuhanéñ meseli amumu. ¹¹ Ini imi Biria miñinawac ikoc imi qewiñ zé Anutuac bunda

maleku héigic séwigina moczoŋ hoturudacmac. ¹² Neŋaŋ yaré imi ic séwi busuninaguc me sacninaguc qahac, néŋ Biria mininawac kewuya kewuya zéma kuc buŋa zéma baec siŋi tunumaŋaguc imuac galenhera zéma sawaiguc uŋa biria iniguc waŋanziŋ. ¹³ Imuac Anutuac bunda maleku héigic séwigina moczoŋ hoturu énécmiyu nalé biriaiguc ini efima yaré qemaguc naŋselimu niŋac imuhuc wammu. ¹⁴ Imuac ini naŋselima ac hélanéŋ rikunŋina mema zikigic haka solananeŋ tétécginaiguc hoturumu. ¹⁵ Waŋu hena usugina luaeac buŋa suruc hiabianeŋ haima zéréŋqéréŋ waŋamumu. ¹⁶ Imuac qahaiguc toroqema ninzéŋ ninzéŋac saiwa mema iminéŋ ic biriawac zakonŋ geric bélaŋaguc imi hézénŋéma qéwécgému. ¹⁷ Anŋéŋ titiac opoc selia zéma Uŋa téréyawac sou Anutuac ackuazéc imi memu. ¹⁸ Waŋu zéwelecgina zéma zéqaqacgina moczoŋ néŋ naléya qahac Uŋa téréyawac qeriaiguc zéwelecmu. Imuhuc wambiŋ zé zenzenŋ qeli qeli wamma nalé séc seliseli wamma zéwelecmu. Waŋu ic embac téréya ionac niŋ wamma zéwelecmu. ¹⁹ Waŋu nuac niŋac momacnec zéwelecmu nuac muru ackuazéc néŋu kuana anŋéma buŋa suruc hiabia imuac hénia saŋa imi porinŋ qahac zéau énécmimanŋ niŋac zéwelec wammu. ²⁰ Neŋ ai imuac mia Yesunéŋ méli néŋu hésa ic wamma kecua. Waŋu imi mia neŋ ac zémaŋac hezac imi porinŋ qahac selianec énézémanŋ niŋac imuhuc mihicŋi néŋec.

Mozoc ac.

²¹ Kekecnawac hénia me némac ai mema keczua imi onac momacnec énézéwa nimmu niḡac ninzéhḡ ninzéhḡac dacmuna zéma Miḡ Kewuninawac qeriaiguc ai ichéla keczac Tikiko inéhḡ mia héniana imi moczoḡ énézédacmac.

²² Inéhḡ mia nonac kekecninawac hénia énézéma ewa qerigina meefi énécmimac niḡac ni ic imi ai imuac téḡgéhḡ méli énécmizua.

²³ Anutu maḡgocnina zéma Miḡ Kewunina Kristo Yesuac murunec goi héihéiya luaeguc zéma ninzéhḡ ninzéhḡaguc iminéhḡ dacmuna hécna onac muru hemac. ²⁴ Miḡ Kewunina Kristo Yesu siḡa ménda humumia nimmianzu séc ionacmuru ewa hiayanéhḡ he énécmimac.

SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 11 Nov 2022 from source files dated 9 Oct 2020

0403b50f-078d-52e2-a203-056e8a430665